

Apena i a podesto saltuzar,  
Tuti un progeto a parte à bu a formar.  
Stago su sto mover,  
Questo sarà el mio aver  
Uno diseva; e st' altro; in sto formento  
Sarà el mio regno e viverò contento.  
Chi aveva una montagna, chi un boschetto  
Chi un bel prà, chi un bel lagheto,  
In fin chi qua, chi là  
I s' aveva isolà.  
Guai chi avesse parlà  
De unirse e infradelarse,  
Guai chi disesse mai de concentrarsé.  
La galina vedeva  
Tute le operazion che se faceva,  
E ghè qualcun che dise  
Che la se la rideva.  
Ma finalmente un zorno,  
Che i sussurrava tutto quel contorno  
La li ha chiamai davanti  
Uniti tuti quanti  
E l' à dito: putei,  
Pulesini fradei,  
Cossa ve salta in testa?  
No avè ale nè cresta,  
No ave fato el beco,  
Sè magri come un steco,  
E parlè come gali?  
E ve scordé  
Che da mi dipendè  
Che mi v' ho fato nasser per ogeti  
Degni de mi e perfeti?